

26.07.17.  
S.T.

Broj: 01-14-3437-5/17  
Sarajevo, 25.07.2017.godine

Na temelju člana 69. stav (2) tačka e) i člana 70. st. 1., 4. i 6. Zakona o javnim nabavkama („Sl. glasnik BiH“, broj 39/14), a na preporuku Komisije za javne nabavke imenovane Rješenjem broj:01-14-134/17 od 16.01.2017. godine i broj:01-14-3644/17 od 04.07.2017.godine u postupku javne nabavke kancelarijskog materijala i pribora, ministar je donio

### **ODLUKU o poništenju postupka javne nabavke**

#### **Član 1.**

Poništava se postupak javne nabavke kancelarijskog materijala i pribora putem otvorenog postupka- rezervisani ugovor, koji je objavljen na Portalu javnih nabavki dana 30.06.2017.godine, pod brojem:746-1-1-19-3-16/17.

#### **Član 2.**

Ova odluka objavit će se na web-stranici Ministarstva [www.fmbi.gov.ba](http://www.fmbi.gov.ba), istovremeno se ista upućuje ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **Obrazloženje**

Postupak javne nabavke kancelarijskog materijala i pribora pokrenut je Odlukom o pokretanju postupka javne nabavke broj: 01-14-7174-3/16 od 30.12.2016.godine.  
Javna nabavka je provedena putem otvorenog postupka- rezervisani ugovor.  
Procijenjena vrijednost javne nabavke bez PDV-a je 58.550,00 KM.

U ostavljenom roku za dostavu ponuda zaprimljene su 2 (dvije) ponude i to: „APE-promet“ d.o.o. Travnik i „EXCLUSIVE“ d.o.o. Zenica.

Komisija za javne nabavke je dana 20.07.2017. godine u 16,00 sati izvršila javno otvaranje ponuda o čemu je sačinila Zapisnik sa otvaranja ponuda i isti prosljedila ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da ponude ponuđača „APE-promet“ d.o.o. Travnik i „EXCLUSIVE“ d.o.o. Zenica nisu formalno ispravna iz sljedećeg razloga:

U skladu sa članom 69. stav 2. e) Zakona o javnim nabavkama ponude nisu potpune i ne ispunjava uslove iz Tenderske dokumentacije.

Ponuda ponuđača „Exclusive“ d.o.o. Zenica nije prihvatljiva iz sljedećih razloga:

U skladu sa članom 68. Zakona o javnim nabavkama ponuda nije potpuna i ne ispunjava uslove iz Tenderske dokumentacije.

### Tačka 3. Tenderske dokumentacije-

### 3. OPŠTI PODACI O POSTUPKU JAVNE NABAVKE

3.1. Vrsta postupka javne nabavke: OTVORENI POSTUPAK (REZERVISANI UGOVOR- član 9. Zakona o javnim nabavkama).

### Tačka 7.2. Tenderske dokumentacije-

### 7.2.SPOSOBNOST OBAVLJANJA PROFESIONALNE DJELATNOSTI

- 7.2.3. U svrhu dokazivanja ispunjavanja uslova iz člana 9. Zakona o javnim nabavkama – rezervirani ugovori ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji kojim se dokazuje da ponuđač zapošljava više od 50% lica sa invaliditetom. Dokazi koji se dostavljaju moraju biti originali ili ovjerene kopije.

Ponuđač „Exclusive“ d.o.o. Zenica nije dostavio tražene dokaze u skladu sa Tenderskom dokumentacijom koji se odnose na ispunjavanje uslova u skladu sa članom 9. Zakona o javnim nabavkama.

Ponuda ponuđača „Apel-promet“ d.o.o. Travnik nije prihvatljiva iz slijedećih razloga:  
Tačkom 6.1. Tenderske dokumentacije definisano je:

### 6.1. OPIS PREDMETA JAVNE NABAVKE

- 6.1.2. Mjesto isporuke robe je: sjedište Ministarstva, Alipašina 41 Sarajevo i sjedište Odsjeka VOM smještenih u gradovima Bihać, Goražde, Grude, Mostar, Orašje, Sarajevo, Tomislavgrad, Travnik, Tuzla i Zenica.

Ponuđač „Apel-promet“ d.o.o. Travnik u Izjavi broj:01-118/17 izjavljuje da će mjesto isporuke biti skladište ugovornog organa, što ne ispunjava uslove propisane Tenderskom dokumentacijom.

### Tačka 7.4. Tenderske dokumentacije-

### 7.4. TEHNIČKA I PROFESIONALNA SPOSOBNOST

- 7.4.1. Što se tiče tehničke i profesionalne sposobnosti, ponuđači trebaju ispuniti slijedeće minimalne uslove koji se mogu potvrditi sa dokazima iz člana 49. Zakona, a to su:

- a) Uspješno iskustvo u realizaciji najmanje dva ugovora o isporuci kancelarijskog materijala i pribora u prethodnih dvije godine čija ukupna vrijednost ne smije biti manja od 68.500,00 KM.

7.4.3. Ocjena tehničke i profesionalne sposobnosti ponuđača će se izvršiti na osnovu jednog ili više dokaza:

- a) Spisak izvršenih ugovora o isporuci robe koja je predmet nabavke u posljednje dvije godine (2015 i 2016. godina), ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine.

Uz spisak izvršenih ugovora ponuđač je dužan dostaviti potvrde koje su izdali primaoci robe, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede;

- Ponuđač „Apel-promet“ d.o.o. Travnik nije dostavio spisak izvršenih ugovora o isporuci robe koja je predmet ove nabavke.

Uz spisak izvršenih ugovora ponuđač nije dostavio potvrde koje su izdali primaoci robe, a koje obavezno trebaju sadržavati naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima, niti je dostavio dokaze o učinjenim pokušajima da se takve potvrde obezbjede.

#### OBRAZAC ZA PONUDU- ROBE TEHNIČKA SPECIFIKACIJA 8.4.CIJENA PONUDE

Tačkom 8.4. Tenderske dokumentacije definisan je način popunjavanja obrasca za cijenu ponude, odnosno obrasca Aneks 2 i Aneks 3.

- 8.4.1. Ponuđač treba popuniti obrazac za ponudu i obrazac za cijenu ponude koji se nalaze u prilogu ove tenderske dokumentacije, u skladu sa svim podacima koji su definisani Aneksima 2 i 3.
- 8.4.2. Ukupna cijena mora isto biti izražena u obrascu za ponudu (Aneks 2) i obrascu za cijenu ponude (Aneks 3). U slučaju da se ne slažu cijene iz ova dva obrasca prednost se daje cijeni bez PDV-a iz obrasca za cijenu ponude.
- 8.4.3. Sve cijene trebaju biti navedene u konvertibilnim markama (KM).
- 8.4.4. Ponuđena cijena roba treba uključivati sve obaveze vezane za tu robu (bez PDV-a), a naročito:
- a) sve carinske obaveze ili poreze na uvoz i prodaju ili druge poreze koji su već plaćeni ili koji se mogu platiti na komponente i sirovine koje se koriste u proizvodnji ili sastavljanju roba;
  - b) sve carinske obaveze ili poreze na uvoz i prodaju ili druge poreze koji su već plaćeni na direktno uvezene komponente koje se nalaze ili će se nalaziti u toj robi;
  - c) sve pripadajuće indirektno poreze, poreze na prodaju i druge slične poreze na gotove proizvode koji će se trebati platiti u Bosni i Hercegovini, ako ovaj ugovor bude dodjeljen;
  - d) cijenu prijevoza i špeditorske usluge;
  - e) osiguranje;
  - f) cijenu popratnih (dodatnih) usluga navedenih u TD;
  - g) druge troškove u procesu nabavke i isporuke robe.
- 8.4.5. Cijena koju navede ponuđač neće se mijenjati u toku izvršenja ugovora i ne podliježe bilo kakvim promjenama. Ugovorni organ će kao neprihvatljivu odbiti onu ponudu koja sadrži cijenu koja se može prilagođavati, a koja nije u skladu sa ovim stavom.
- 8.4.6. Cijena ponude se piše brojevima i slovima, kako je to predviđeno u obrascu za dostavljanje ponude. U slučaju neslaganja iznosa upisanih broječno i slovima, prednost se daje iznosu upisanim slovima.
- 8.4.7. Ponuđač može dati popust na ponudu, pod uslovom da ga iskaže posebno, kako je to definisano obrascem za ponudu (Aneks 2.) i obrascem za cijenu ponude (Aneks 3.). Ako ponuđač ne iskaže popust na propisan način, smatraće se da nije ni ponudio popust.

Aneks 2. ponude- Izjava ponuđača nije popunjena u skladu sa svim podacima koji se definisani u Aneksu 2.

Aneks 3. ponude OBRAZAC ZA CIJENU PONUDE- TEHNIČKA SPECIFIKACIJA koju je popunio i dostavio ponuđač nije originalna, ponuđač je samostalno napravio Aneks 3, te je u koloni predviđenoj za iskazivanje jedinične cijene bez PDV-a po stavci iskazao cijenu sa PDV-om, kao i u koloni ukupna cijena robe po stavci bez PDV-a iskazao cijenu sa PDV-om.

Ponuđač je u zbiru kolone UKUPAN IZNOS upisao cijenu sa uračunatim PDV-om. Isto tako ponuđač je na početnoj stranici upisao podatak da nije u sistemu PDV-a, a cijenu je iskazao sa PDV-om.

Komisija je Zapisnikom o pregledu i ocjeni ponuda broj:01-14-3437-4/17 od 24.07.2017. godine preporučila ugovornom organu da predmetni postupak poništi, te je u skladu sa članom 69. stav

(2). tačka e) Zakona o javnim nabavkama Bosne i Hercegovine („Službeni glasnik BiH“, broj:39/14), odlučeno kao u članu 1. ove odluke.

**POUKA O PRAVNOM LIJEKU:**

Žalba na Odluku o poništenju postupka izjavljuje se URŽ-u putem ugovornog organa u roku od 5 dana od dana prijema Odluke.

**Dostaviti:**

1. Ponuđačima 2 x,
2. Komisiji za javne nabavke
3. a/a

**MINISTAR**  
**Doc.dr. Salko Bukvarević**

